

*Sar-Burg, Feneſtrange, Sar-Uberden, Sar-Alben, Guemund, Sar-Pruck, Walderſing, Sar-Brug, & aliis, tandem moenia Auguſtæ Treverorum Moſellam convenit, non longe a Kontherbruk. Meminit ejus Auſonius in Moſella. Nomen hodie retinet. Sar enim Accolis audit. Sarra etiam veteribus dictus, docente Inſcriptione quæ Treveros translata ex Opido ad eum fluvium ſito, quod hoc tempore vocatur Sar-Pruck, hoc eſt Sarra Pons.*

CÆS. RO. EXER. IMP. P. P.

S. C. AU. TREVE. INGR.

ESSUM. H. CASTRA. SARRÆ

FLU. PRO. MIL. CUSTODIA

BIENN. POTITUS. EST

*Volois fluvius eſt Margaritiferus, qui ad Vicum Charmeni Moſellam ingreditur. Mortana ad Pagum cognominem Murtæ miſcetur. Murtavel Meurta, multis in ſe receptis Amnibus, Moſellam loco plano inter Prata paullatim accedit; & longo tractu, æquali quaſi curſu, comiratur, relicta inter utrumque ad alveum exigua admodum terra, donec tandem paullum ſupra Condeium Arcem, quæ a dextris in rupe eſt Pago ſibi cognomini impendens, factò cum Moſellæ alveo angulo acutiſſimo, ejus & aquis miſcetur. Iungit ſecundem ad Mediomatricum Urbem Sella, initium quaſi capiens ex Lindero Lacu, qui Sale dives & Piſcatura. Duplex denique Nida (Orientalior enim Germanicus, Occidentalior Gallicus dicitur) factò ad Pagum Northenium concurſu, duobus infra Boſſoniſ-Villam (Abbatiz nomen eſt) milliaribus in Saravum exoneratur. Eſt in valle Deodatenſis fons, ad complures morbos ſanandos naturæ beneficio efficax. Sunt & Salinæ in quibus ſal ſubtiliſſimum, guſtu ſuaviſſimum, ac Scythica nive candidius generatur, ex quibus quotannis Dux Lotaringiæ centum percipit millia Francorum. Altiſſimi hanc Provinciam ambiunt Montes, qui omnis generis Metallorum abundantia Pyrenæos montes longe ſuperant: imprimis autem Argenti fodinæ, ſupra quam dici poſſit fœcundæ ſunt, ex qua quidem Argenti ubertate haud parvus Ducatui fructus accedit. Gignit & Vogefus Mons in valle Leberia Argentum purum, ſed non ita multum. Silvas habet præterea Lotaringia frequentes eaſque denſiſſimas, quarum aliquot nomina lingua vernacula adponemus, quæ ſunt Warnedwaldt, des Benoit, le bois de Mortaigne, Boſeyne, Bois de Mondon, le Ban-bois le Bois de la Voyge, de Heyde, & aliz. Inter opera publica, apud Pagum S. Nicolai duobus milliaribus Nanceio diſtanti, ad Murtam fluvium Templum eſt non magnæ antiquitatis, ſed vaſtæ molis, editæque ſtructuræ, Luminofum omnino. Columnæ, quæ totum faſtigium ſuſtinent tantæ ſunt, cum gracilitatis, tum alicitudinis, ut tanto oneri ferendo vix pares judicentur. Turres habet duas, in quarum una Caroli Lotaringici Cardinalis, qui idem Metenſis erat Epicoſopus, cuique hæc parebat Eccleſia ſub Prioratus, ut loquuntur titulo, in ſummo Culmine Symbolum: obeliſcus ſcilicet cum Hedera circumplicata, & Inſcriptione TE STANTE VIREBO. Apud Pagum Waſſerbillich ubi Sura fluvius Moſellæ confunditur, eſt alius Igel vulgo nuncupatus, ubi in loco eminenti ſpectatur nobiliſſimum illud venerandæ antiquitatis Monumentum, quo nec cis Alpes inſignius aliud exſtare exiſtimatur, quodque ipſis*

Italiz

*Mores.*

*Silva.*

*Opera publica.*